

Sukladno odredbama članka. 1., 2., 3. Zakona o računovodstvu i reviziji Bosne i Hercegovine („Službeni glasnik Bosne i Hercegovine“, broj 42/04), čl. 2., 33. i 73. Zakona o računovodstvu i reviziji u Federaciji Bosne i Hercegovine („Službene novine Federacije BiH“, broj 83/09), Odluke o ovlaštenjima za prijevod i objavljivanje, broj: 2-11/06 od 10.3.2006. godine („Službeni glasnik Bosne i Hercegovine“, broj 81/06) i članka 6. i 25. Statuta Saveza računovođa, revizora i finansijskih djelatnika Federacije Bosne i Hercegovine, ugovora između IFRS fondacije i Saveza računovođa, revizora i finansijskih djelatnika Federacije BiH, Upravni odbor Saveza računovođa, revizora i finansijskih djelatnika Federacije Bosne i Hercegovine, na sjednici održanoj 13. 1. 2017. godine donio je slijedeću:

O D L U K U

O OBJAVLJIVANJU I PRIMJENI MEĐUNARODNIH STANDARDA FINANCIJSKOG IZVJEŠTAVANJA I MEĐUNARODNIH RAČUNOVODSTVENIH STANDARDA

Članak 1.

Savez računovođa, revizora i finansijskih djelatnika Federacije Bosne i Hercegovine objavljuje osnovni tekst Međunarodnih standarda finansijskog izvještavanja (MSFI) uključujući i Međunarodne računovodstvene standarde (MRS) koji su doneseni od Odbora za međunarodne računovodstvene standarde (International Accounting Standards Board–IASB), a potom objavljeni od IFRS fondacije, Konceptualni okvir za finansijsko izvještavanje kao i povezna tumačenja, prateće upute, objašnjenja i smjernice.

Objave, bliže opisane u prethodnom stavku ne uključuju osnove za zaključke, napomene za uporabu, komentare, izdvojena mišljenja, urađene primjere ili bilo koji drugi dodatni materijal za objašnjenje koji može da se usvoji i objavi u vezi sa standardima, osim ako se izričito ne navodi da je on sastavni dio standarda.

Standardi, Konceptualni okvir za finansijsko izvještavanje i tumačenja iz stavka 1. ovog članka objavljeni su u izvornoj ediciji IFRS fondacije - Blue Book (2016 godina), dio A, uključujući i izmjene i dopune objavljene u 2016.

Članak 2.

Standardi, Konceptualni okvir za finansijsko izvještavanje i tumačenja iz članka 1. ove odluke bit će objavljeni na web stranici Saveza računovođa, revizora i finansijskih djelatnika Federacije Bosne i Hercegovine www.srr-fbih.org 6.2.2017.

Članak 3.

Standardi, Konceptualni okvir za finansijsko izvještavanje i tumačenja iz članka 1. ove odluke primjenjivat će se u Federaciji Bosne i Hercegovine pri izradi finansijskih izvještaja koji se odnose na razdoblja koja počinju od 1.1.2017. godine.

Članak 4.

Danom objavljivanja ove odluke prestaje važiti Odluka o primjeni Međunarodnih računovodstvenih standarda i Međunarodnih standarda finansijskog izvještavanja broj:O 1/4-2010 („Službene novine Federacije BiH“, broj 31/10).

Članak 5.

Ova odluka stupa na snagu danom objavljivanja u „Službenim novinama Federacije BiH“.

Broj: O-1/2-2017
Mostar, 13. 1. 2017.

Predsjednik Upravnog odbora

Marin Ivanišević